

consuetudine absterremur, sed ut illos etiam, quos tali vitio laborantes viderimus, quoties nobis audientibus irare contingat, admonitione froenemus, et sermone, vel saltem torvo vultu, ac minus placabili aspectu coereamus. Nam si de Croesi filio traditum est, tanta in parentem pietate affectum, ut licet a natali die semper mutus fuisset, intus tamen in patrem suum gladio recutent militem, repente solutis impeditae linguae retinaculis clamarit: *Ne patrem meum Croesum occidas*; quid aequum erit facere Christianum, dum videt contemni, et deonestari sanctum nomen Christi, omnium viventium Patris clementissimi, in quem tot vulnera, et ictus iniuste iurantes dirigunt, quod iuramenta illi non minus acervatum, quam temere frequentant? Si Croesi filium naturalis ille erga patrem amor compulit, ut in sermone sibi antea a natura prohibuit indignatione prorumperet, patrem defensurus, nos qui non solum naturali, sed supernaturali lege tenemur, Christo Domino amorem, et honorem deferre consentaneum profecto erit, ut adversus eos, qui iusturandi sanctam religionem contempnunt, insurgamus, et si quando non liceat opere, saltem externis signis, quantum nobis impia iurandi crebritas displiceat, ostendamus. Auctoritas reprehendendi, ac reprimendi

di tam turpem, et stultam iurandi consuetudinem penes patres familiarum et dominos praecipue desideratur, qui vigilanter debent animum intendere, omnemque diligentiam adhibere, ut eorum liberi, ac servi pie vivant, mendacia fugiant, et omnino, nisi in veritate, iudicio, et necessitate, ut iam dixi, a iuramentis abstineant. At hi, quod certe dolendum est, non raro solent vitio, quod carpinus, laborare; quippe numquam fere, vel Dei, vel Christi, et aliorum Sanctorum nomina ore depromunt, nisi, non quidem ad illa, ut par erat honoranda, sed perituro violanda, et dedecoranda. Quomodo igitur alios reprehendet reprehendendus? quomodo patrem filius, inferior non imitabitur superiorem? Deploranda quidem horum conditio est, siquidem eorum exemplo ceteri similiter delinquant, praesertim pueri, qui paternos malos mores facile induunt, et tanquam haereditario iure suscipiunt. Quamobrem in memoria revocent parentes, atque maiores, quod s. refert Gregorius (*lib. 4. dial. c. 16*), a daemone videlicet puerum quendam aetatis annum quintum non excedentem, quod frequenter iuraret, ex sinu amplexuque paterno intuentibus his, qui aderant, miserabiliter, et violenter fuisse sublatum.

DE

**FELICISSIMA CHRISTI EPIPHANIA
ET REGUM MAGORUM ADVENTU**

AC DE VARIIS ARCANIS

IN UTRISQUE RECONDITIS

LIBER SEXTUS

HOMILIA PRIMA

Fit satis praecipuis interrogationibus, quae ab humano ingenio de adventu Magorum Regum, ad porticum Bethlehem fieri possunt.

Quantumcumque ingenii sui aciem sapientissimus quisque investigator acuat, ac discursum altius extollat: quaecumque super re de qua agitur nosse desiderat, ad haec praesertim capita ea revocare necesse erit; qui scilicet fuerint tres hi Legati, unde profecti, quos duxerit eos, quo pervenerint, quid quaesierint, ubi quieverint, quid invenierint, quid reverentiae visio lacrymantis infanulo exhibuerint, quid et contra oblatum accepterint. Veniens ergo ad primum quaestum de tribus Legatis, quos tam festiva celebritate catholica veneratur Ecclesia, sacer Christi Evangelista Matthaeus Magos illos esse docet, vulgatus tamen sermo idem sibi velle ac Sapientes interpretatur. Ita volunt divi Anselmus, Beda, Rupertus, aliique multi. Sanctus tamen Basilus (*orat. de Christ. ort.*) idem ac *Silentes* significare exponit. Olim namque sapientes, ut philosophiae studio acius incumbenter, a convitiis hominum semoti, ac aliorum consuetudine extorres vivebant, iuxta Aristotelicam doctrinam: *Anima quiescendo fit sapiens*. Quapropter philosophum sectantes quinque integris annis, monente Pythagora, aliorum commercio credebant. S. Hieronymus (*in o. 2. Dan.*) tradit, Persarum Magos, quales hi fuerint, qui Christum Dominum invisere advennerunt, herbis tantummodo, hordeaceisque panibus vesci, ac humi quiescere solitos, ut ad philosophiae studium aptiores, et expeditiones inventurum. Testatur etiam Apuleius ex Platone, Magos sacerdotes, ac Deorum interpretes fuisse. Quia tamen duo sunt magicae ar-

tis genera, ut Caelius Rhodiginus (*lib. 9. antiq. lec.*) advertit, minus honestum, et laudabile, philosophia scilicet naturalis: alterum turpe, et indecorum, ita enim illud appellat, superstitionibus plenum, et daemoniacis pactis admistum: dubitant hic Doctores, an hi Magi eorum numero essent, qui magiam superstitionum sectantur. Negant aliqui pietatem insinuantes: hi sunt Nicephorus (*lib. 1. c. 13*), Innocentius III (*de Epiph.*), Beda, et auctor Imperfecti, necnon sanctus Anselmus, ac tandem Glossa ordinaria in hunc locum ait: *Magi non malefici, sed philosophi Chaldaeorum erant*. Communis tamen Patrum opinio contrarium sentit. Sanctus enim Augustinus (*ser. 2 de Ep.*), s. Thomas (*3. p. q. 36. art. 3*), s. Hieronymus (*sup. cap. 19. Isaiae*), s. Ambrosius (*sup. Luc. cap. de Mag.*), et Iustinus Martyr (*dial. contr. Tryphon.*), volunt fuisse incantatores, et superstitionum magos; et praecipue sanctus Basilus (*orat. de Christ. gen.*) ait: *Incantantibus vacabant: et Theophylactus (c. 2. sup. Matth.)*: *Christi testimonium perhibent magi, qui maxime adversarii erant Deo, et obnoxii daemonibus*. Duo reperio, quae hanc sententiam valde confirmant. Unum, quod in sacra Scriptura magorum nomen in malam sepiissime partem sumitur: nam (*Levit. c. 20*) ait: *Anima quae declinaverit ad magos, vel arisolas, ponam faciem meam contra eam; et (cap. 29)*: *Non declinatis ad magos*. Alterum, quod quanto magis a Deo distabant, tanto magis una ex parte tenerim infans emicat clementia, qui ita sibi adversos vocare dignatus est: et ex alia omnipotentia, et brachii fortitudo, cuius virtute rebelles animos idolorum cultu inveneratos suae ditioni subiegarit, magis enitet.

Sed maior adhuc extat difficultas, an fuerint Reges. S. Hieronymus (*in c. Dan.*), Iansenius (*lib. 9. de conoor.*), et egregius poeta Mantuanus reges fuisse negant; quam opinionem duae va-

